

कोन्या माने कालजो के तू नई आवैगो लिरिक्स



माता नै जो बचन दियो,
बो तोड़ न पावैगो,
कोन्या माने कालजो,
के तू नई आवैगो।bd।

देवरै का पट बन्द होग्या,
मोरछड़ी लहराई थी,
श्याम बहादुर जी ताळै पै,
इक फटकार लगाई थी,
मंगळाराम जी की भगति को,
मोल चूकावैगो,
कोन्या मानै काळजो,
कै तू नई आवैगो।bd।

आलूसिंह जी पै कृपा करी,
दुनिया देखी सकळाई जी,
भगत को मान न घटण दियो थे,
आकै बात निभाई जी,
काशी बुलावै लीलै चढ तू,
दौड़ लगावैगो,
कोन्या मानै काळजो,
कै तू नई आवैगो।bd।

रोती बिळखती बामणी नै,
आकै तूई हंसायो जी,
धाड़्यां को संघार करयो,
बामण नै आय जिवायो जी,
कवै भागीरथ बाबो धरम,
ध्वजा लहरावैगो,
कोन्या मानै काळजो,
कै तू नई आवैगो।bd।

गिरधारया नै गोद खिलायो,
माखण-मिसरी खुवाई थी,
समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



सोहनलाल लुहाकार मगन हो,
थांरी महिमा गाई थी,
भगत बुलावै श्याम तनै तूं,
रुक नई पावैगो,
कोन्या मानै काळजो,
कै तूं नई आवैगो।bd।

श्याम बहादुर शिव का लाडला,
अब तो दरस दिखा ज्यावो,
हिवड़ै मांई बसी आकृती,
नैणां आगै आ ज्यावो,
भोळै भगतां की है दुहाई,
कद तक टरकावैगो,
कोन्या मानै काळजो,
कै तूं नई आवैगो।bd।

माता नै जो बचन दियो,
बो तोड़ न पावैगो,
कोन्या माने कालजो,
के तूं नई आवैगो।bd।

Singer & Compser – Ravi Sharma “Sooraj”
Upload – Vivek Agarwal Ji
